

19% podnesenih imovinskih zahtjeva riješeno sirom BiH

Sarajevo (21. decembar 2000. godine) Prema statistickim podacima o implementaciji imovinskih zakona iz oktobra, koje su danas objavili OHR, OSCE i UNHCR, 19% (46.209) od ukupnog broja od 249.618 zahtjeva za povrat stambenih objekata su riješeni dok je doneseno 102.591 odluka po zahtjevima.

Kada se uzme u obzir broj slucajeva vraćanja u posjed u poredjenju sa brojem podnesenih zahtjeva, slijedeće općine imaju najveći stepen efikasnosti:

- U Federaciji BiH: Zepce (od 1.303 zahtjeva riješeno je 78,05%), Fojnica (od 679 zahtjeva riješeno je 77,03%), Kiseljak (od 1.893 zahtjeva riješeno je 75,38%), Vitez (od 1.407 zahtjeva riješeno je 61,12%), Travnik (od 2.396 zahtjeva riješeno je 60,06%), Bugojno (od 3.263 zahtjeva riješeno je 52,77%).
- U Republici Srpskoj: Lopare (od 739 zahtjeva riješeno je 29,09%), Gradiska (od 4.263 zahtjeva riješeno je 20,88%), Nevesinje (od 627 zahtjeva riješeno je 19,62%), Samac (od 2.329 zahtjeva riješeno je 17,90%), Kozarska Dubica (od 1.643 zahtjeva riješeno je 15,64%), Novi Grad (od 3.338 zahtjeva riješeno je 13,90%).

Stepen efikasnosti se u nekim slucajevima umanjio u odnosu na prosli mjesec, zbog toga što podaci o vraćanju u posjed unistene imovine više nisu obuhvaćeni ovom statistikom.

OHR, OSCE i UNHCR podržavaju zvaničnike organa za stambena pitanja koji svoje dužnosti obavljaju u skladu sa zakonom i pored slucajeva zastrasivanja i nasilja usmjerenih protiv njih. Ove slušajeve treba odmah istražiti i ozbiljno sankcionirati.